



Rabu , 29 September 2021
Ogen: Keluaren 40:34-38



"Teridah Kemuliaan Tuhan"



Pernah nge inanamindu Kemuliaan Tuhan bas kegeluhenndu? Atau i ja nge pernah idahndu kemuliaan Tuhan e? Teksta sendah ecakap kerna Bangsa Israel si ngenanami kemuliaan Tuhan. Paksa Bangsa Israel erkemah bas perdalinenna, reh me embun ku babo kemahna e, janah sinalsal kemuliaan Tuhan ndemi kemah e. Teridah kal kemulian e ndakep kerna kegeluhen Bangsa Israel e. Igejapken Bangsa Israel me kerna ketenangen si rehna arah Dibata nari. Seh maka i japape nusur embun e i je me ringan kemah bangsa Israel e.

Kemulian Dibata si reh nandangi manusia e, erbanca manusia tuhu-tuhu idemi Kuasa guna tetap nembah Dibata, datken ketenengen, datken kemalemen ras kemuliaan e erbanca manusia tuhu-tuhu setia man Dibata arah kerina dampar kegeluhenna. Nggit nge kita nggeluh alu teridah kemuliaan Dibata e man banta? Selaku anak-anak Dibata pasti kita nggit. Kemulian e erbanca kita tuhu-tuhu ngerembakken dirinta man Dibata.

Dibata merken kemulian e secara *cuma-cuma* man banta adi kin kita nggeluh ngerembakken dirinta man Ia. Kemuliaan e mabai kegeluhenta ndalanken sura-suraNa, teridah terang bas kegeluhenta e. Amin gia, bas perdalinenna, bangsa Israel rusuren la setia man Dibata, tapi Dibata e ngkelengi bangsa pilihenna e, seh maka i bas keadan si kote, lit denga nge turah kerna ukur guna mindo penampat Dibata. I bas si e emaka ibereken Dibata kemulianNa man bangsa Israel segelah bangsa e banci ndatken kemalemen ate arah Dibata nari. Uga kita? ngasup nge kita nggeluh alu tetap melibatkan Dibata i bas kerina situasi kegeluhenta? Ula pernah meneken kemulian Dibata e bas kegeluhenta nari. Sabap Kemulian Dibata e ncidahkan kita me sikerajangen Dibata, kita kap anak-anak Dibata e. Teridah kemulian Dibata bas kegeluhenta segelah geluhta e pe banci ernanam bas doni enda.